

# Soek jy 'n fantastiese tutor?

[www.teachme2.com/matriek](http://www.teachme2.com/matriek)





# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IBANGA LE-12**

**ISIZULU ULIMI LWASEKHAYA (HL)**

**IPHEPA LESITHATHU (P3)**

**LWEZI 2022**

**AMAMAKI: 100**

**ISIKHATHI: Amahora ama-3**

**Leli phepha linamakhasi ayi-5.**

**IMIYALELO KWABAHLOLWAYO**

1. Leli phepha lehlukaniwe IZIQEPHU EZIMBILI:

ISIQEPHU A: Indaba (50)

ISIQEPHU B: Imibhalo emide edlulisa imiyalezo (2 x 25) (50)

**QAPHELA:** Abahlolwayo balindeleke ukuba baphendule imibuzo EMIBILI ESIQESHINI B.

2. Phendula umbuzo OWODWA ESQESHINI A, NEMIBILI ESQESHINI B.
3. Bhala usebenzise ulimi ohlolwa ngalo.
4. Qalisa ISIQEPHU NGASINYE ekhasini ELISHA.
5. Bhala ukhombise amalungiselelo (isb. Asabulwembu/awumdwebo/ayifloshadi/amaphuzu asemqoka), lungisa amaphutha uphinde ufundisise umsebenzi wakho. Amalungiselelo kumele avele njengamalungiselelo ngaphambi kwempendulo.
6. Amalungiselelo owabhalile kumele abonakale. Uyayalwa ukuba lawo malungiselelo uwakhansele ngokudweba umugqa ovundile ekhasini.
7. Uyayalwa ukuba usebenzise isikhathi sokubhala ngale ndlela elandelayo:
- ISIQEPHU A: Amaminithi angama-100
- ISIQEPHU B: Amaminithi angama-80 (2 x 40)
8. Bhala izinombolo zezimpendulo ngendlela efanele njengoba zibhaliwe ephepheni lemibuzo.
9. Amagama esihloko awabalwa, kubalwa inani lamagama empendulo kuphela.
10. Bhala ngobunono nangesandla esifundekayo.

**ISIQEPHU A: INDABA****UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama angama-340 kuya kwangama-390.

Bhala inombolo kanye nesihloko sendaba yakho.

- |     |  |             |
|-----|--|-------------|
| 1.1 | Akuvelwa Kanye Kanye Entabeni Njengamadlebe Embongolo  | <b>[50]</b> |
| 1.2 | Imvelo Nezimanga Zayo  | <b>[50]</b> |
| 1.3 | Bhala indaba ephetha ngala mazwi, 'Ngabona ngalelo langa ukuthi imisebenzi yomuntu iyamlandela.' | <b>[50]</b> |
| 1.4 | Ukuchitha Isikhathi Esiningi Ezinkundleni Zokuxhumana Kunomvuzo Empilweni                        | <b>[50]</b> |
| 1.5 | Impumelelo Kumatikuletsheni Ilele Ekusebenziseni Amahora Engeziwe                                | <b>[50]</b> |

Izithombe ezilandelayo zichukuluza imizwa kanye nemicabango.

Khetha isithombe ESISODWA ubhale ngaso indaba. Bhala inombolo yombuzo 1.6 kuya ku-1.8 bese uyinika isihloko indaba yakho.

**QAPHELA:** Indaba yakho mayibe nobudlelwane nesithombe osikhethile.

1.6



[Sicashunwe ku-inthanethi]

**[50]**

1.7



[Sicashunwe ku-inthanethi]

[50]

1.8



[Sicashunwe ku-inthanethi]

[50]

**AMAMAKI ESIQEPHU A:**

**50**

**ISIQEPHU B: IMIBHALO EMIDE EDLULISA IMIYALEZO****UMBUZO 2**

- Phendula imibuzo EMIBILI kulesi siqephu.
- Bhala ngamagama ayi-100 kuya kwayi-120 umbhalo ngamunye.

**2.1 UMLANDO KAMUFI**

Ubabekazi wakho udlule emhlabeni ngokukhulu ukuzuma.

Bhala **umlando kamufi**, ubabekazi wakho, ozofundwa ngosuku lomngcwabo. [25]

**2.2 INKULUMO ENGALUNGISELELWE**

Kufike abafundi ababefunda esikoleni ofunda kuso asebephumelele empilweni bezoxhasa ngezinsizakufunda ezahlukenene.

Njengomholi woMkhandlu Wabafundi, bhala **inkulumo engalungiselelwe** yokubonga lolu xhaso. [25]

**2.3 ISIBUYEKEZO**

Ufunde incwadi esanda kushicilelwa ekuhlabe umxhwele.

Bhala **isibuyekezo** saleyo ncwadi oyifundile. [25]

**2.4 I-ATHIKHILI YEPHEPHABHUKU**

Iphephabhuku, iKusa Kusa, linengosi yokubhala imibono yentsha.

Bhala **i-athikhili yephephabhuku** ugqugquzele intsha ukuba isungule ezikaqeda isizungu emphakathini. [25]

**2.5 IKHARIKHULAMU VITHAYE NENCWADI EHAMBISANA NAYO**

Kuvele amathuba emisebenzi enhlobonhlobo enxanxatheleni yezitolo zangakini.

Bhala **ikharikhulamu vithaye nencwadi ehambisana nayo** ucele isikhala somsebenzi. [25]

**2.6 INCWADI YOBUNGANI**

Umzala wakho enibamba naye amatoho ngamaholide kaZibandlela, usebenzisa imali budlabha ezintweni ezingenasidingo.

Bhala **incwadi** umeluleke ukuze ashintshe ukwenza kwakhe. [25]

**AMAMAKI ESIQEPHU B: 50**  
**AMAMAKI ESEWONKE: 100**